

آبونه شرالتي : هر یر ایچون
سنه لکی (۴۰۰) التي ایلتي
(۲۲۵) ، ممالک اجنیه ایچون
سنه لکی (۴۵۰) ، آلتی آیلتي
(۲۵۰) غروشدرد.

نسخه سی ۷،۵ غروشدرد .
سنه لکی ۵۲ عدددر .

اداره خانه : باب عالی جاده سنده
رشید افندی خائنده

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله ن
یازیر اعاده اولتماز .

والله یهدی من یشاءالی صراط مستقیم

باش محرر
محمد عاكف

صاحب و مدیر
اشرف ادیب

اتبعون اهدكم سبیل الرشاد

الرشید

آدرس : پشینه آریجه
• غروش کوندردملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لریک
فرانسجه یازلسی رجا اولنور .

یاره کوندردلدیکی زمان نهیه
دائر اولدینی بیلدیرلسی
رجا اولنور

طیبه علومك مقرراتی

الهیات فا کولته سی مداوملرینك اجتماعلری

الهیات فا کولته سی طیبه سنك صوك زمانلرده اعاشه ، نقل ، فیوضات مسئلهلری حقنده مختلف مقامات نزدنده وقوع بولان متعدد تشبیلرندن بر قسمك رد ایدیلسی ، بر قسمنه جواب بیله ویریللمسی طیبه علومى يك مأیوس و متاثر ایتمش ، بو وضعیت ائیمه طیبه نك خط حرکتلرینی تثبیت ایتك اوزره فوق العاده اجتماع عقد ایتلمینه سائق اولمشدر . صالی کونی فاتحده (تابخانه) مدرسه سنده ایکی یوز قدر طبله علومك اشترا کیله عقد اولونان بوفوق العاده اجتماع يك حرارتلی و هیجانلی اولمش ، طبله علومى علاقه دار ایدن بوتون مسئلهلر مناقشه ایدیلش ، بالخاصه اعاشه مسئله سنك شیمدی یه قدر حل ایدیللمش اولمسی و بونکله برابر منفی و یا مثبت بر جوابده ویریللمسی شدتلی مذاکره و مناقشه لری موجب اولمشدر . اجتماع نتیجه سنده طبله اتخاذ ایتمش اولدقلری مقرراتی ، بر میثاقنامه ایله تأیید ایدرهك ، فا کولته ریاسته و دارالفنون امانته عرض ایتمشدر . طبله علومك مطالب اساسیه سی شونلردر :

(۱) ملت وکیللری طرفندن مجلسده قبول ایدیلن اوقاف بودجه سنده کی طبله علومك اعاشه سنه عائد تخصیصاتك اعطاسی ، (۲) الهیات فا کولته سی طبله سنك سائر دارالفنون مداوملری کی دیگر فا کولته لره ده کچه بیلملری ، (۳) الهیات مداوملرینك استقبالیلرینك تأمین . طبله علوم بو استرحاملری قبول ایدیلدیکی تقدیرده فا کولته درس لری نه دوام ایدمه چکلیرخه ده تحت قراره آلمشدر .

طبله علومك دارالفنون امانته و الهیات فا کولته سی ریاسته تقدیم ایتدکلی استداتك المزه کچن بر صورتی عیناً درج ایدیورز :

« معروضاتمزددر ،

فا کولته من مداوملرینك اعاشه سی حقنده كرك فا کولته من ریاسته و كرك مختلف مقاماته آتی دفعه وقوع بولان مراجعتمزه مثبت و منفی هیچ بر جواب ویریلده دی . فا کولته من مداوملرینك دیگر فا کولته لره نقل حقنك ویریللمسی حقنده امانت و ریاست جلیله یه ویردیکنز استدعال رد ایدیلدی . دیگر فا کولته مداوملرینك آتیسى تأمین ایدلدیکی حالده فا کولته من مأذونینی حقنده هیچ بر شی دوشونولده دی و تثبیت ایدیلده دی .

اکثریمز ملتك فقیر زمره سنه منسوبز . کنج و قیمتدار حیاتمرك اون بش سنه لك محصول مساعیسی ، قانونی برحق صریحمز اولان و بوکون قطع ایدیلن بر اكمك قیرینتیسنه فدا ایدیلور تحصیلانی استعدادلرینه موافق اوله رقی اكمال ایچون سربست عرفان اوجاغنك

دیگر شعباتنه کچمك ایسته یلریمز قیورات نالایقه نك قربانی اولیور . هیچ برکنج حیات قیمتدارینك اوزون سنه لرینی بر فا کولته نك دوامی نامنه هدر ایتشمش و بر اندیشه نك اسیری اولق ایچون مملکتیمزك اوزاق یلرلندن بورایه قادار قوشوب کله مشدر . ملت وکیللرینك قبوله اقران ایدن بر بودجه ده مخصص اعاشه من ویریلده یوز . ادبیات فا کولته سیله هرخصوصده مساوی اولان فا کولته من مداوملرینه دارالفنونك شعبات سائرده سی و دارالمعلمین عالیله کی یوکسك مکتبلرک قابولری مسدود قالور ؟ نقل کی برحق صریحمز نزع ایدیلور . بناء علیه یوزلرجه اولاد وطنك مقدرات استقبالیله سی ملاحظات غیر وارده نك قربانی اولورکن بو ائیم وضعیت قارشوسنده سکوت ایدمه چکمز . اعاشه منك تأمیننی ایسته یورز ، جواب یوق . دیگر فا کولته لره کچمك ایسته یلره حق نقل یوق . . . مداوملرک آتیسى حقنده بر امید یوق . ایسته بو بر سورو یوقلق نتیجه سی برورلق چیقورکه اوده فقیر و مغدور طبله یی ترك تحصیله دعوتدر .

الغای مدارسك احای طبله ایچون اولمادیغنی ظن ایدیورز . مقدراتمزه حاکم اولانلر صریح حقوققزی تسلیم ایتزلرسه دویه جقلری عذاب بالکنز وجدانی اولمایه جق ، فا کولته یی ده دوغمه دن مزارعده سورو کله یه چکلردر .

خلاصه ۱۶ ایلول ۳۴۰ تاریخلی صالی کونی بعدالزوال ساعت ایکی ده وقوع بولان فوق العاده اجتماعمزه تقررایدن اساسات شونلردر :

(۱) اعاشه منك تأمین (۲) فا کولته منزله مناسبتدار دیگر فا کولته لره نقل حقنك ویرلمسی (۳) مداوملرک آتیسى تأمین . خصوصات مذکورده نك قبول و حلنه قدر فا کولته منك حین کشادنده درس لره دوام ایدمه چکمز طبله میثاقده متفقاً تثبیت و قبول ایتدک . معروضات واقعه منك قبولی مملکتك عرفانی نامنه استدعا و استرحام ایلرز اقدم .

هویتنر ذهنیتلر !

آمریقا و آوروپانك برچوق یلرلنده بزم مملکتیمزه « غریبه لر مملکتی » نامی ویریلورمش . غریبه لرده دینی عقیده لر دن عبارتشمش . بو مملکت حقیقت غریبه لر مملکتیدر . فقط ، غریبه لری دینی ساحه ده دکل ، اجتماعی ساحه ده آرامق حقیقته ده موافقدر . بشقه هر شیشی آکلامق امکانی واردر . یالکنز ، کیمسه نك مسلک اجتماعی و سیاسیسینی آکلامق امکانی یوقدر . هرکس بر ذهنیتك اسیریدر . فقط او ذهنیتك هویتنی تعیین ایتك کیمسه نك قدرتی داخلنده دکلدر . چونکه هیچ بر ذهنیتده معین بر استقامت کوریلده من . بوکون بر شکله تجلی ایدن

برذهنی یارین بشقه شکله منکشف کورورسکز . بوکون برشیته قاره دین کیمسه ، یارین اوکا آق دیر . بر زمانده مدح ابتدیی کیمسه بی دیگر زمانده ذم ایدر . غیابنده دوستلق کوسترمه دیکی بر آدمه حضورنده اک صادق بر دوست کسلیلر . نظرنده ، بوکون حقیقت اولان بر حال یارین خرافه اولور . خرافه اولدیغنی بیلدیکی بر فکره خاطر ایچون حقیقت دیمکدن چکینمز . بزم نظر مزده تبدل ایتیه جک هیچ بر حقیقت یوقدر . حقیقت بزم تلقیاتمه ، حسیاتمه ، ذهنیتمه ، منفعتمه کوره دائماً ده کیشیر . برشی بزم حسیاتمه ، تمایلاتمه موافق ایسه حقیقتدر ، دکله باطلدر . فکر مزه ، آرزومزه اویغون ایسه فضیلتدر ، دکله ، رذیلتدر . بزم کیفیمزه کوره سوز سویلر سه حکم و طالدر ، دکله جاهلدر . نفسمزه تمایلاتنه مغایر حال و حرکتدر . بولنور سه دلی در ، اسکی قافالی در . بزم چیلغینلر مزه تحسین ایدر سه ، آلقیشلار سه منوردر ، عقلی در . حاصلی اجتماعی ذهینلر مزه هویتی قطعاً معلوم و متعین دکدر . بر حاده ، نظر مزده دائماً ایلمک ایچون دائماً بزم آرزومزه کوره جریان ایتیلدر . بر کیمسه کنیسی بزم متفکر طایتدیر بیلیمک ایچون دائماً بزم کی دوشونمیلدر . بزم کی دوشونمزه در حال جتنه حکم ایدر .

قلمیزی بو جریحه مزه تماس ایتدیرمه مزه سبی مغایر اخلاق نشریاتی منع ایتیمک اوزره ، جمعیت اقوام طرفدن حکومتزه وقوعبولان مراجعتک بیراقدینی معکوس تأثیراندر . اوروا سیاست اجتماعی سنی چیلغینجه سنی تقلید ایتیه مزه دن قسماً ممنون اولیوردق . ممنونیت مزه سائق شو طرز ملاحظه ایدی : اوروا برکون اخلاقسزلنک چیقماز بریول اولدیغنی و حتی مهلك بر مصیبت بولدیغنی آکلاهیجق و مطلقاً فضیلت اخلاقیه یولنی طوتمق مجبوریتده قاله جقدر . مادام که بز ، آوروبایی تقلید ایدیوروز و بریک کی اونک محور حرکاتی اطرافنده طولاشوب طورییوروز ، هانکی بولدن کیدر سه برده اوبولی تعقیب ایدر . اونکله برابر بزده فضیلت اخلاقیه یولنی طوتمش اولوروز . هیهات که چوق آلدانمش . اوروبایی تقلید ایدیشمز رذائل اخلاقیه ده ، سیاست اجتماعی ده بردوام اولسلیله مقیدمش . اوروا فضیلت اخلاقیه یولنه کیرنجیه در حال قیمتی ، اهمیتنی ضایع ایتدی . بزم پیشوا اولقی موقعندن دوشدی . سوددن کسین بهام یارولرینک آنالری آرقه لرندن ایرمالری کی بزده سیاست اخلاقیه و رذائل اجتماعی دن تجرد و نباعد ایتیمک چالیشان آوروبالیدن یوز جویرمک یولنی طوتمق .

بو یولده یورومک اشارتی ایلک دفعه براقشام غزیه سی ویردی . دارالحکمه ایله جمعیت اقوامی یان یانه کترین مقاله صاحبی جمعیت مشارالیهانک مراجعت واقعه سی دارالحکمه نک و قتیله آرد صیره نشر ایتیش بولدیغنی دینی و اخلاقی بیاننامه لره بکزه تیوردی . بو تشبیه بالطبع نه جمعیت

اقوامک ، نه دارالحکمه نک لهنده دکدر . مرایی سنی ده کهنه بر ذهنیت اولقی اوزره تشبیه ایدیوروز و مرایی کیمسه قارشى عصیانکار بر وضعیت متحکمانه آلمش بولونیوردی . شمدی شو ذهنیته باقیکز ، دون آوروبانک بر فردینه بیل برستش ایدیلرکن ، بوکون ، بوتون جهانی تمثیل ایدن اقوامده دارالحکمه کی دوچار غضب و عقاب اولور . دارالحکمه نک لسان دینی ایله خطاب ایتیه سنک لایبق فکرلرده بر طوفان مؤاخذه تولید ایلسنی طبیعی بر حال تلقی ایدیه بیلیرز . فقط ، جمعیت اقوامک انسانیت نامنه وقوعبولان مراجعتک ده غین طوفانی قوبارمش اولماسنه قارشى نه وضعیت آلاجمیزی تعیین ایدیه میوروز . لایبقلنک دیانته دوست اولما دیغنی بیلور ایدک . لاکن لایبقلر میاننده انسانیتی ده طانیایه جقلر بولونه جغنی بیلیمور ایدک . محترم انسانیت و یا خود زوالی انسانیت ؛ سن بویه فردلری ده دائرة عنوانک داخلنده بولندیر یورومش سک ده خبر مزه بیل یوق مش . انسان هرشیته دشمن اوله بیلیر ، فقط کندی انسانیت ده دشمن اوله بیلر جکنی خاطر مزه کتیر مزه ایدک . دیمک که حظوظات نفسانیه دن بشقه شیئه برستش ایتیه ، احترام کوسترمه ی انسانیت فردلری ده وارمش . بر آرز حیا یاهو ، بر آرز حیا .

دیانت قارشى طغیان ، انسانیت قارشى عصیان ایدن فردلردن حیا بکله مزه صافدرونلق تاقی ایدنلر اولور سه ، بو حقلرینی تسلیم ایتیمک مجبوریتده یز . دیانته دشمن ، انسانیت دشمن اولان لادینی ، لانسائی کیمسه لره غزیه نشر ایتیه لرنده کی مقصد عجبا نه اوله بیلیر ؟ شبهه سز پاره قازانق و قازانیلان پاره لرده محل صرف اوله جق بییمی بر حریت اجتماعیه زمینی حاضر لامق . . . بونلرک یازیلرینه ، خطالرینه دقت ایدر سه کز قیودات اخلاقیه علیه کوبورمه لرینک سینی قولایجه آکلار سکز . یان یانه چیللق ارکک قادین رسملری نشر ایدرلر . دکز حاملرنده ینه چیریل چیللق اوله رق قادین وارککلرک یکدیگر لرلیله نه کی رذائلر یابدقلرینی غزیه ستونلرنده تصویر ایدرک اوکی حاللردن ، اوله طاللردن خبردار اولمایان کنج قیز وارککلری ده اوجیانه سوق ایتیمک چالیشیلر . ینه دانسلرده کی ، مسامره لرده کی قادین وارکک رذائلرینی میدان علنیته دوکرک اخلاق عمومی بی افساده اوغراشیلر . میخانه سفاهتلیخی ، فحشخانه سفالتلیخی تمثیل و تصویر ایتیمک صورتیه غزیه لرینه قاره بولمایه وسیله یاپارلر . دوداق اوپوشلرینی ، بل صیقیشلرینی سرمایه مقاله اتخاذ ایدرلر . بونلرک نظرنده حیاتده هرشی پاره دن ، حظوظات نفسانیه دن عبارتدر . حیا ، ادب ، عفت ، فضیلت کی کله لر معناسز ، مهمل لفظلردر . بوقبطی مدنیتلرینه ، بوبهیمیت طالمرینه مداخله ایدنلر اونلرک اک منفور دشمنلریدر . اونلره ادبدن ، حیا دن بحث ایدنلر ، ایستر آمریقالی ، ایستر آوروبایی ، ایستر آسیایی ، ایستر آفریقالی اولسون ، مرتهجدر ، اسکی قافالیدر ، متعصبدر ، قاره قوتدر ، صوفتدر ، قرون وسطی بقایاسیدر . فقط کندی ذهینلرینک هویتلرینی کندیلری بیله تعیین ایدیه مزه لر .